



Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Broj: 01-14-23628-1/19
Sarajevo, 01.08.2019. godine

SKUPŠTINA KANTONA SARAJEVO
-OVDJE-

PREDMET: Izjašnjenje na zastupničko pitanje zastupnika Senada Hasanovića, dostavlja se;

Zastupnik Senad Hasanovića je na Desetoj sjednici Skupštine Kantona Sarajevo, održanoj dana 24.06.2019. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članom 214. Poslovnika Skupštine Kantona Sarajevo postavio sljedeće zastupničko pitanje:

„Da li ste upoznati sa problemima koji se dešavaju na spomen obilježju Brezovača Općina Hadžići, te koje mjere resorno ministarstvo može poduzeti kako bi na primjeren način zaštitilo pomenuto spomen obilježje?“

Na pokrenutu zastupničku inicijativu dajemo sljedeće

IZJAŠNENJE

Ministarstvo za boračka pitanja Kantona Sarajevo je odmah po dobijanju zastupničkog pitanja uvaženog zastupnika Senada Hasanovića uputilo dopis Službi za boračko-invalidsku, socijalnu i zdravstvenu zaštitu, izbjegla i raseljena lica Općine Hadžići s obzirom na to da se spomen obilježje Brezovača, u kojem je ukopano 98 partizana antifašista iz Drugog svjetskog rata i mjesto na kojem su ukopani Adnan Došlić i Čedomir Domuz heroj koji je odlikovan najvišim priznanjem „Zlatni ljiljan“, "Policijske medalje za hrabrost" i Ordenom zlatnog grba sa mačevima, nalazi na teritoriji općine Hadžići.

Služba za boračko-invalidsku, socijalnu i zdravstvenu zaštitu, izbjegla i raseljena lica Općine Hadžići je u svom dopisu broj 06-41-11-5202/19 od 17.07.2019. godine navodi da je Spomen obilježje Brezovača mjesto gdje se obilježavaju značajni događaji i datumi kako kantonalnog tako i općinskog nivoa i gdje se vrše posjete i odaju počast za sljedeće datume: Igmanski marš 26.01.1942. godine, Dan općine Hadžići 06.03., Dan šehida-drugi dan Ramazanskog bajrama, Bitka za odbranu Igmana 19. maj 1992. godine, pogibija Čedomira Domuza 30. jula 1992. godine i Odbrana BiH-Igman).



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251

Sarajevo, Reisa Džemaludina Čauševića 1



U dopisu se navodi da je na traženje ove Službe Fond memorijala (akt broj: 13-23-151/19 od 20.03.2019. godine) dostavio Informaciju o postavljanju zastava i održavanju šehidskih mezarja i spomen obilježja te je navedeno da se postavljanje zastava vrši planski, odnosno prema kalendaru obilježavanja značajnih datuma (manifestacije ili po potrebi-u sklopu redovnog održavanja) od strane Fonda memorijala, a navedeno se odnosi na sljedeća šehidska mezarja na području općine Hadžići: Kahrimani-Pazarići, Donji Hadžići, **Brezovača**, Budmolići, Grivići i Vrbanja.

Redovno održavanje na godišnjem nivou, podrazumijeva redovno čišćenje i krčenje, hortikulturalno uređenje i košenje od dva do šest puta ili više-zavisi od potreba i klimatskih uslova tokom ljetnog perioda, a „tokom zimskog perioda vrši se čišćenje snježnih nanosa na stazama i prilazima na sljedećim mezarjima: Kahrimani, Mokrine i **Brezovača**“.

Dalje, u informaciji je navedeno da se na spomen obilježju Brezovača 3-4 puta vrši košenje trave.

Što se tiče „problema koji se dešavaju na spomen obilježju Brezovača“ Služba za boračko-invalidsku, socijalnu i zdravstvenu zaštitu, izbjegla i raseljena lica Općine Hadžići navodi da nije upoznata, osim u slučaju obaranja stabala i oštećenja ograde usljed jakog vjetrova koja se desila 2017. godine kada je porodica Domuz obavijestila ovu Službu te je u saradnji sa JP „Sarajevo šume“ i JKP „Komunalac“ Hadžići izvršeno uklanjanje oborenih stabala i popravljena ograda.

S poštovanjem,



Dostaviti:

- Predsjedavajućem Skupštine Kantona Sarajevo
- Sekretaru Skupštine Kantona Sarajevo
- Sekretaru Vlade Kantona Sarajevo
- Web stranica Ministarstva
- a/a



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251

Sarajevo, Reisa Džemaludina Čauševića 1

